

#### 八四、刖手足人感念佛恩而得生天緣

昔舍衛國有人犯於王法。截其手足。擲著道頭。佛行見之。即往到邊。而問言曰。汝於今日。以何為苦。別人答言。我最苦餓。即敕阿難。使與彼食。其別人命終生天。感佛厚恩。來下供養。佛為說法。得須陀洹。比丘問言。以何業行。生於天上。佛言。昔在人中。被刖手足。擲於道頭。佛到其所。敕與其食。心生歡喜。命終生天。重於我所。聞法得道。

#### 八五、長者以好蜜漿供養行人得生天緣

昔舍衛國有一長者。於祇洹林。求空閑地。欲造房舍。須達長者。遍已作竟。無復空處。便於祇洹大門之中。以好淨水。用種種蜜。種種之麩く。作漿。供給一切行人。九十日後。佛亦受之。於是命終。生於天上。有大威德。乘天宮殿。來供養佛。佛為說法。得須陀洹。比丘問言。以何業行。得生天上。威德如此。佛言。本為人時。於祇洹門。作種種漿。施與一切。佛亦自受。